



საქართველოს კომუნიკაციების ეროვნული კომისია

გადაწყვეტილება

N გ-19-11/690
12/12/2019

690-გ-19-1-4-201912121759



სსიპ „სმარტ ლოჯიკისა“ (ს/კ 206350599) და სსიპ „მონაცემთა გაცვლის სააგენტოს“ (ს/კ 204577699) შერწყმაზე თანხმობის მიცემის საკითხის განხილვის შესახებ

საქართველოს კომუნიკაციების ეროვნული კომისია (შემდგომში „კომისია“) აღნიშნავს, რომ კომისიას 2019 წლის 27 ნოემბერს №17374 წერილით (კომისიაში რეგისტრაციის №შ-19-6/4615 29.11.2019) მიმართა ელექტრონული კომუნიკაციების სფეროში ავტორიზებულმა პირმა სსიპ „სმარტ ლოჯიკმა“, სსიპ „სმარტ ლოჯიკისა“ და სსიპ „მონაცემთა გაცვლის სააგენტოს“ შერწყმის განზრახვასთან დაკავშირებით, კომისიისაგან წინასწარი თანხმობის მიღების მოთხოვნით.

“ელექტრონული კომუნიკაციების შესახებ“ საქართველოს კანონის 26-ე მუხლის პირველი პუნქტის თანახმად, შერწყმის ან წილის, აქციების ან საოპერაციო აქტივის შეძენის განზრახვის შესახებ კომისიას უნდა ეცნობოს შერწყმის ან შეძენის განხორციელებამდე. შეტყობინების ვალდებულება ეკისრება ავტორიზებულ პირს, რომელიც მონაწილეობს შერწყმაში, ან რომლის წილის, აქციების, ან საოპერაციო აქტივის შეძენაც ხდება.

“ელექტრონული კომუნიკაციების შესახებ“ საქართველოს კანონის 27-ე მუხლის პირველი პუნქტის შესაბამისად, კომისია უფლებამოსილია შერწყმის ან შეძენის თაობაზე ავტორიზებული პირის სრულყოფილი შეტყობინების მიღებიდან 15 დღის ვადაში გასცეს თანხმობა შერწყმაზე ან შეძენაზე ან ბაზრის შესაბამის სეგმენტზე არსებულ კონკურენციაზე შესაძლო გავლენის მოხდენის დადგენის მიზნით მიიღოს გადაწყვეტილება შერწყმის ან შეძენის გამოკვლევის თაობაზე ადმინისტრაციული წარმოების დაწყების შესახებ.

სსიპ „სმარტ ლოჯიკი“ წარმოადგენს ელექტრონულ საკომუნიკაციო სფეროში ავტორიზებულ პირს.

სსიპ „სმარტ ლოჯიკს“ ავტორიზაცია გავლილი აქვს ელექტრონული საკომუნიკაციო მომსახურების შემდეგ სახეობაზე:

B.F.2 ინტერნეტ მომსახურება



ოპტიკური ქსელით ინტერნეტ მომსახურება

ბოლო მომხმარებლების ინტერნეტ ჰოსტინგის მომსახურება

სსიპ „მონაცემთა გაცვლის სააგენტო“ არ წარმოადგენს ელექტრონულ საკომუნიკაციო სფეროში ავტორიზებულ პირს.

კომისიის საერთო სტატისტიკური ბაზის მონაცემების თანახმად, სსიპ „სმარტ ლოჯიკის“ ავტორიზებული საქმიანობის ძირითადი სახეა ჰოსტინგით მომსახურება და მონაცემთა გადაცემით/ინტერნეტით მომსახურება. სსიპ „სმარტ ლოჯიკის“ შემოსავლებმა ავტორიზებული საქმიანობიდან 2019 წლის 10 თვეში შეადგინა 103 144 ლარი.

სსიპ „სმარტ ლოჯიკისა“ და სსიპ „მონაცემთა გაცვლის სააგენტოს“ შერწყმა ელექტრონულ საკომუნიკაციო ბაზარზე არსებულ კონკურენციაზე გავლენას არ ახდენს.

შესაბამისად, კომისია მიიჩნევს, რომ არ არსებობს სსიპ „სმარტ ლოჯიკისა“ და სსიპ „მონაცემთა გაცვლის სააგენტოს“ შერწყმაზე თანხმობის მიცემის დამაბრკოლებელი გარემოებები.

“ელექტრონული კომუნიკაციების შესახებ“ საქართველოს კანონის 25-ე, 26-ე და 27-ე მუხლების შესაბამისად, კომისიამ კენჭისყრის შედეგად, ერთხმად

გ ა დ ა წ ყ ვ ი ტ ა :

1. მიეცეს თანხმობა სსიპ „სმარტ ლოჯიკს“, სსიპ „სმარტ ლოჯიკისა“ და სსიპ „მონაცემთა გაცვლის სააგენტოს“ შერწყმაზე;
2. განემარტოს სსიპ „სმარტ ლოჯიკს“, რომ ამ გადაწყვეტილების შესაბამისად, სსიპ „სმარტ ლოჯიკისა“ და სსიპ „მონაცემთა გაცვლის სააგენტოს“ შერწყმის შემთხვევაში, სსიპ „სმარტ ლოჯიკი“ ვალდებულია აღნიშნულის თაობაზე კომისიას აცნობოს შესაბამისი ცვლილების განხორციელებიდან 7 სამუშაო დღის ვადაში;
3. გადაწყვეტილება ძალაში შედის ამ გადაწყვეტილების დამოწმებული ასლის სსიპ „სმარტ ლოჯიკისათვის“ ჩაბარების დღიდან;
4. გადაწყვეტილება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (მისამართი, ქ. თბილისი, დავით აღმაშენებლის ხეივანი, მე-12 კმ., №6), სსიპ „სმარტ ლოჯიკისათვის“ გადაწყვეტილების დამოწმებული ასლის ჩაბარების დღიდან ერთი თვის ვადაში;
5. კონტროლი აღნიშნული გადაწყვეტილების შესრულებაზე დაევალოს კომისიის აპარატის სატელეკომუნიკაციო ბაზრის რეგულირების დეპარტამენტს (ე. იმედაძე).

კახი ბექაური

თავმჯდომარე



ვახტანგ აბაშიძე



წევრი

ელისო ასანიძე



წევრი

მერაბ ქათამაძე



წევრი